

Resp PfpL B0329-22

LAS

# ABANTUROS

D'UN

# TOULOUSÉN

A LA CAMPAGNO

SATIRO

Per Louis VESTREPAIN.

Aco's nostre deber, aco's la le suprém,  
D'éstre toutjoun utile à l'egal de soi-mémo.



2<sup>me</sup> ÉDITION

SE VEND : Chez l'Auteur, rue de la Pomme, 55, à Toulouse.

1849



Resp P/Pl B0329-22

LAS

**ABANTUROS**

D'UN

**TOULOUSÉN**

**A LA CAMPAGNO**

SATIRO

**Per Louis VESTREPAIN.**

Aco's nostre deber, aco's la le suprémo,  
D'éstre toutjoun utile à l'egal de soi-mémo.



2<sup>me</sup> ÉDITION

SE VEND : Chez l'Auteur, rue de la Pomme, 55, à Toulouse.

—  
1849

ABSTRACTS

TULLOCH

A. J. CAMPBELL

1870

FOR THE YEAR 1870

Printed and Published by  
J. J. CAMPBELL, at the  
Press of the Glasgow University Press, Glasgow.



1870

Printed and Published by J. J. CAMPBELL, at the Press of the Glasgow University Press, Glasgow.

LAS

# ABANTUROS

D'UN

# TOULOUSÉN

A LA CAMPAGNO

SATIRO

Per Louis VESTREPAIN.

Aco's nostre deber, aco's la le suprémo,  
D'éstre toutjoun utile à l'egal de soi-mémo.



2<sup>me</sup> ÉDITION

SE VEND : Chez l'Auteur, rue de la Pomme, 55, à Toulouse.

1849



ABBAUTUROS

1870

# TOULOUSEN

A LA CAMPAGNE

PAR

Par Louis VESTREPIN.


Mettez toujours cette feuille de couverture  
dans votre poche, car c'est la signature



1<sup>re</sup> EDITION

Se vend : Chez l'auteur, rue de la Fontaine, 22, à Toulouse.

1870



# LE TOULOUSÈN

## A LA CAMPAGNO.

Per tant qu'un campagnard m'enbite à sa campagno,  
Cal pas qu'espère may de m'abe per coampagno ;  
Quand el mémo bouldrio m'y nouyri sans fa res,  
Me trouba cado joun de noubélis plases ,  
Randre jusqu'à la mort ma destinado hurouso,  
Jamay nou me pouyra fa sourti de Toulouso.  
Per tant qu'un pradelet mirgaillat de coulous  
Embaoume la nazic del parfum de sas flous,  
Preféri respira l'aoudou de ma ruélo  
Que d'ana dins un prat flayra la pimpanélo ;  
Et malgre la beoutat del feillatge oumbratjous  
Ount s'en ban gazouilla de millés d'aouzelous ;  
Sio le cant birginal de las pastoureletos  
Quand gardon leurs agnés per dejouts las ombretos  
Ount les pastourelets ambe leurs istrumens  
Las fan rire et siscla sul gazoun del primtemps ;  
Sio le riuo que goutejo à trabéts la roucaillo  
Uno ayguo perlejado ount le céel se miraillo ;  
Per tant que la naturo estalle soun trabal,  
Quittaréy pas d'ayci qu'à moun darnié badal  
Dount ben que la campagno et sas bélos flouretos  
Poden pas à mous éls me fa may embejetos ?

Ce que le soubeni d'un affa perillous  
Me rand, malgre you mémo, aquel sejour affrous !  
Aquel mot de campagno affougan ma couléro  
Fa que de mous malhurs bous baou counta l'histouéro.

Un boun et franc amic qu'estimabi fort pla,  
Ouéyt jouns aban St-Jean benguéc me coubida,  
Moun amic, ça me dits, la fésto del bilatge  
A fayt que soun bengut per abe l'abantatge  
De passa d'ambe tu le grand joun de St-Jean,  
Espéri que bendras, et se te coubidan  
Nous refusaras pas ta jouyouso bisito ;  
Ma fenno que couneys l'estat de la marmito  
Per millou te recebre et te fa las aounous,  
Engraysso dus auocats que balen tres capous ;  
Bouto, tout anira, car dins nostro campagno  
Y fasén quelque cop la bido de coucagno.  
A toun enbitaciou amic you me randréy  
Et l'aounou que me fas nou le debrembaréy,  
Respoundébi al paysan, bestit en bésto roujo,  
Espoumpat et goumflat coumo uno grosso coujo,  
Podes éstre sigur que chez tu per dinna  
A lentour de miéyt-joun me beyran camina.  
Counten coumo un catét moun paysan me saludo  
Et s'entourno chez el anounça ma bengudo.

Calguéc dounc m'apresta pel joun de moun depart  
Et teni ma paraoulo à nostre campagnard.  
Quand on es coubidat dins uno grando fésto  
On diou s'y presenta d'amb'uno meso hounésto.  
Prenguébi per pareysse un paou may joubencél,  
Ma camiso à jabot, un gilet blu de cé,  
Ma bésto de belours amb'un foulard de potcho,  
Moun junc à poumo d'or, car per uno balotcho  
Un coubidat se met per millou flata l'él  
Et ço qu'a de pu ritche et ço qu'a de pu bél,  
Le joun éro arribat ; dret an aquel bilatge

Amb'un fort calimas calguéc fa le bouyatge ;  
Malgre les flots de pouso et l'ardou del souleu  
Que del maytis al souér roustissio le cabel,  
Arribébi tout just al sourti de la messo  
Per m'y bese injuriat de touto la jouenesso ;  
L'un coumencéc de dire acos un calico !  
Un aoutre l'y respound, doun sort aquel faro ?  
Et cadun a-bél-tal sur ma bouno arribado  
Me lancéc le fiçou de sa pico-peladé ;  
Countro aquelis palots me serioy léou battut  
Se n'abioy pastroubat moun amic pretendut  
Qu'apaziméc d'abord ma buillenté couléro  
En me disen, tout siaou, que l'houro diinatouéro  
Abio de doutze trucs fayt tusta le batan  
Qu'éron toutis dejus et que mourion de fam ;  
Per le fa pas attendre uno soulo minuto  
Prenguébi le partit de layssa la disputo.

En arriban chez el passi dins soun saloun  
Ount d'ambe moun capél rasclabi le plaffoun,  
Ero tant affumat que dins aquelo crambo  
Aourion bist en plen joun la luts d'uno luserambo,  
La clartat que benio d'un petit finestrou  
Fasio que per dinna l'on s'y besio pas prou,  
La méco del calel fousquéc léou alucado  
Et cadun se prenguéc la plaço designado.

Daquel ta grand repays gaousi pas anouncá  
Tout ço qu'a l'amagat you me calguéc rounça,  
Dempéy le prumié plat jusqu'al darnié serbici  
Les gousses et les gats fasquébon moun ouffici  
Dabord per coumença, malgre moun apetit,  
Pousquébi pas manja ni soupó ni buillit,  
Doun ben, diguébi you, que le bioou de Toulouso  
Aouge sans countrodit la car tendro et goustouso ?  
Ce qu'aquesto es de bacco, et s'es duro al coutél,  
Depen que l'an tuado à grands cops de capél,

Dailleurs, ca dits l'amic, aco n'es pas l'usatge  
De toumba cap de bioou dins aqueste bilatge.  
Aqui qu'al segoun plat l'arésto d'un coula  
Al gousié s'engargasso et m'anabo escana,  
Coumençabi deja de fa pla piétro mino,  
Se m'abion pas fourats de patats sur l'esquino  
Al risiko de me fa treboula le cerbél  
Eri sigur qu'alors me calio cluqua l'él.  
Aprép aquel englazi arribo uno croustado  
Que la calou del four abio touto cramado,  
Et les pijouns-patuts que me fasion tant bous  
Semblabon per dedins de trosses de carbous.  
Per refresca le pot benguéc uno ensalado  
Que layssabo le goust del fens qu'éro femado,  
Et per me ragousta les dus aoucats roustits  
Sentission al nougat que les abio nouyrits.  
Uno mitcho de pa, qu'apélon de misturo,  
Coyto de quinze jouns, se troubabo tant duro,  
Que tout cop que le mos passabo al ganitél  
Fourçabo talomen que fasio ploura l'él ;  
Me serioy estouffat s'aprép cado boucado  
N'abioy pas abalat un beyre de binado,  
Malgre que soun agrou me counbenguesso pas  
Calio pourtan la beoure en fan ruffi le naz.  
You bous layssi pensa se dins de talos féstos  
Qualqu'un de delicat diou pas y fa de réstos.

Aprép abe dinnat serbissen le café  
Amb'un cournet de sucre en plaço de sucrié,  
Et tout en le budan dins ma tasso fendudo  
Sentioy la chicouréyo et l'aoudou de becudo,  
Més se l'hounéstetat me fourcéc d'abala  
Las culéfos al founds restébon saquela ;  
Pa, bi, fricot, café, tout éro insupourtable  
Et méritabo pla d'éstre embouyat al diable !  
A taoulo sans manja y-a de que s'anuja !

Anfin l'houro arribéc d'ana se passeja.  
Cal abouta pourtan qu'acos un paou trop rude  
De se leba de taoulo ambe le bentre bude.

Tout en me passejan del loung et del trabés  
Soun touésat d'un cadun del cap dinquios as pés ;  
Aco m'estouno pas, car dins cado bilatge  
Badon un estrangé coumo un grand persounatge.

Pourtan les baloutjans jouts les ourmes feillats  
As accords d'un biouloun soun léou apiloutats,  
Et sur dus barricots une poste aloungado  
Deben pel musicien uno orquestro mountado,  
Que sans le mespresa ni tapaou le flata  
A jouga s'entendio coumo un bioou à rata ;  
Aco serio pas res s'aquel machant rasclayre,  
Qu'à cado cop d'arquet escaraougnabo l'ayre,  
N'abio pas mes sul cap, per para le soulel,  
Un capél tout crassous à fayssou de calel,  
Se n'abio pas cargat sa bésto de parado  
Que las arnos abion gayre-be curbelado,  
Car se l'abion plaçat dins un camp semenat  
Les gors à soun aspéct n'aourion pas aproutchat.  
Cependant tout s'animo et toutis s'abarrejon,  
Les uns batten las mas et les aoutres trepejon,  
Et la pousco que fan piri que de brouillards  
Fa souben escupi les jouens et les bieillards.  
Aco n'es pas dansa, n'es pas qu'un fouro-bouro !  
Ça me dits, en risent, une joueno pastouro  
Bélo coumo un anél, car abio sous eillets  
Que brillabon sur you coumo dus miraillets ;  
Al moumen que l'y baou adressa la paraoulo,  
Soun fringayre, jalous, arribo amb'uno gaoulo,  
Et sans me questiouna, ni me dire un soul mot,  
Me fourro un cop de lato et me fend tout le pot.  
Oh ! que n'aujéc pas fayt, le sang de ma mayssélo.  
Coulabo à plen rajol coumo un bec d'escudélo,

Aco m'arrestéc pas et de moun bras nerbous  
Desproufiti, à moun tour, la mayssò del jalous ;  
Coumo dus gousses fols cop-sec nous agaffében,  
Et dins un pam de pouesco alors nous gourdillében,  
L'ablasigui de trucs, le trepissi, et pla léou  
Layssi moun turbulan estendut sul carréou ;  
Eri le may trinflan ! més malgre moun couratge  
Pousquébi pas bira le pu fort de l'aouratge,  
Sous amics en sapien que l'abioy atucat,  
Per poude le benja benen de tout coustat,  
La couléro les siég, les buto et les agito  
Et fa que sur moun cos cadun se precipito ;  
Més toutis an un cop et truncan adebou,  
Fasquébon léou flaca ma forço et ma balou ;  
Fillos, fennos, bieillards, tout se boutéc tustayre,  
Les truc et les patats fasion retrouni l'ayre,  
La daillo de la mort m'aourio léou attrapat  
Se del miéyt del peril n'abioy pas escapat.

Men baou tout apilat lén d'aquelo batésto  
En maoudin le bilatge et le joun de sa fésto,  
Helas ! me calio bese aprép aquel coumbat,  
Tout sanglent, tout pouscous, anfin tout desoundrat ;  
Mas gaoutos toutos blaous éron tant graoupignados  
Qu'aourion dit que les gats las abion agrifados ;  
Dins un petit bousquet men baou refugia  
Esperan den sourti que per m'ana coutcha,  
Més quand la tristo néyt esplandisquéé soun bouélo  
Qu'entrumabo pel sol la jantio pimpanélo,  
Dus boulurs mal bestits negres et moustachuts  
Me demandon la bido ! ou si nou les escuts !  
Milo noum d'un sabat ! aprép moun abanturo  
Dins aqeste bousquet ma bido es pas siguro ?  
Messius ! diguébi you, benéts mal à prepaous,  
Qui bous emboyo ayçi per troubla moun repaous ?  
Se housaous prouffessats la le del brigandatge

Soun pas gayre d'abis de bous douna d'oubratge,  
D'aquel diable d'argen que fa coupa le col  
N'éy pas per me croumpa la cordo d'un licol ;  
Se you m'éri dontat d'abe bostro bisito  
M'aouriats pas rancountrat tout soul coumo un ermito ;  
Se boli de ranfort n'éy a fioula qu'un cop  
Et beyrets arriba tout dessuito al galop  
Cinq ou siés journaliés cadun ambe sa piquo  
Qu'entenden la rasou coumo un porc la musiquo.  
Fasquos pas tant le fiér, car se gaousos fioula  
podes éstre sigur que t'anán coutela !!  
S'abioy abut de forço aoutant que de couratge  
Mous brasses aourion fayt encaro de rabatge,  
Quand begébi lusi la lamo del coutél  
Per forço me calguéc resta coumo un agnél.  
Labets à la fabou de la néyt qu'éro soubro  
Prenen moun esquipot et s'enfouñcon dins l'oumbro.

Oh ! destin malhurous, oh ! joun pestiferat !  
Plutoun countro you mémo aouéy s'es declarat,  
Quand a bist demayti que partioy de Toulouso  
A dit, tu passaras uno journado affrouso.  
Tandis que sous baylets soun tant oubéissens  
M'entourni chez l'amic car sen ba deja temps.

Encaro tout tramben dintri dins sa cousino  
Ount cramo en petillan un mouquet de rousino,  
Moun paysan que cressio que men éri tournat  
Jutjats quand me bejéc se fousquec estounat,  
Eh ! quin bent t'a buffat ? jamay tu pourios crese  
La joyo qu'esprouban anéyt de te rebese,  
Car you qu'éy tant roudat sans poude te trouba  
Penso-te se soun fiér de te bese arriba ;  
Quand la fiéro des trucs es estado finido  
L'un disio qu'éros mort, et l'aoutre encaro en bido,  
Més quand t'éy pas may bist éy pensat que la pou  
T'abio fayt regagna le pount de Matabioou ;

Douma per te gandi d'aquelo populaço  
Aniras à la pesco, et se bos à la casso,  
Attraparas de peys, tuaras de gibié  
Et jouiras atal des plases d'un rentié ;  
Més bay-ten repaoussa car la son que te beillo  
Te fario léou cluca ta pesanto perpeillo,  
Le liéyt qu'an preparat se trouban espoumpat  
Pouyra te demacca des trucs qu'as attrapat.  
Taléou m'éstre escurat, moun paysan me signalo  
Que ma crambo à coutha n'es qu'al bout de l'escalo.

Mounti dins un crambot besí del galata  
Ount calio tout cap nut de miéy-pam s'acata,  
D'un antique pliant las postes cussounados  
Proubabon qu'abion bist un centenat d'annados ;  
Countabi de trouba sur aquel biél pliant  
Et de paillo de mil et de plumo d'aoujan,  
Més per me demaca des trucs de la journado  
Me calguéc alonga sur d'abes de sibado,  
Soun pas taléou coubrit que le boués de bieillun  
Crico, toumbo, s'esclaffo et m'atudo le lum ;  
La pouu me sasisquéc d'uno talo maniéro  
Que cresioy de me hese à moun houro darniéro ;  
Tandis qu'és pas rayat del noumbre des bibens  
You diguebi cal pas impourtuna tas gens,  
Et malgre que toun liéyt sio pla dur et per terro  
Ten cal acountenta coumo fan à la guerro.  
Aourioy prou pla dourmit s'al galata les gats  
N'abion pas mes à mort un regiment de rats,  
Car cresioy que l'infér ambe touto sa cliquo  
Abio mudat aqui sa negro mecaniquo.

Atal passéc la néyt ; més quand le poul cantéc  
Et que l'albo daourado à peno puntejéc,  
Poudets crese que you fousquébi pas loungagnó  
Per me debarrassa d'uno talo coumpagno.  
L'idéo de pesca m'abio tant tourmentat

Que tout moun atiral fousquéé léou aprestat ;  
Dins un panié dubért, tressat ambe de sesco  
Meti tout ço que cal et parti per la pésko.  
N'éy pas taléou lançat moun inquiet pla garnit  
Qu'un enorme barbéou s'y trobo engourmandit,  
Al moumen de leba trobi de resistenço,  
Tandis qu'aco's ensi cal agi de prudenço,  
Le meni cats al bord, més moun gros prisounié  
Quand bejéc que preniy l'anso de moun panié  
Per poude l'y jouga quelque tour de traytiso,  
Se debat talomen que del cop se malfiso,  
A forço de tira le crin peto as bouchouns,  
You legueni, cabussi et couli cats al founds...  
Coussi fa per sourti d'uno pareillo nicho,  
Abioy bél me debattre aoutan qu'un gous canicho  
Sur l'ayguo poudioy pas counserba moun aploumb,  
Car you sabioy nada coumo un caral de ploumb.  
O grand Dious ! al secours ! ou ma mort es siguro ;  
As peyses me caldra serbi de nouyrituro ?  
Alabets un marin, as pelses toutis blancs,  
Arribo amb'uno arpeto et m'acrocho pes flans ;  
Soul dins moun garrabot, sur uno ayguo rapido,  
Cregni de poude pas te counserba la bido,  
Ça me dits le bieillard, car se tiri pu fort  
Quatre pouces de fér ban te caousa la mort.  
You que deja bebioy coumo papié de traço  
De bese pas d'espouér fasiyoy tristo grimaço,  
Coussi ! cridi labets, me caldra dounc mourir  
Sans rebese Toulounso et surtout St-Sarni ?  
Més nou ! tirats toutjoun, repararen la brécho  
Pourbu que del cluquié posqui bese la flécho,  
Et taléou abe dit que tiresso pu fort,  
A l'ayde del gaffet me ramenéc à bord.  
O Dinne marinié, sans bous moun existenço  
Anabo s'escanti ; més d'uno recoumpenço,

Arresto, me respound, me soun lançat esprés  
Per alonga tous jours noun pas per l'interés,  
Aco's nostre deber, aco's la le suprém  
D'éstre toutjoun utile à l'egal de soi-mém,  
Que l'on sio sur la terro ou dins l'ayguo ou pel foc  
La Proubidenço es grando et se trobo en tout loc ;  
Sans parla de res may s'entourno pel ribatge,  
Et you sans perdre temps regagni le bilatge.

Fiér coumo un poul bagnat et rouge coumo un nap,  
Arribi tout rajent des pés dinquios al cap ;  
Moun campagnard surpres quand bejéc que tournabi  
Trempe jusqu'à la pél, que de fret tridoulabi,  
S'afanéc d'aluca dus fagots de rastoul,  
Qu'éron abarejats de cambos de fenoul,  
Aquelou hérbo en aben l'aoudou de cementéri  
Me fasquéc trouba mal à sabe pas ount éri ;  
Me dounon de binagre aoutan mat que cournut  
Que fasquéc regita l'ayguo qu'abioy bebut,  
Aco me remetéc, la flambo m'escalfuro  
Et tout en me seccan garisquéc ma blassuro.

Que le diable s'empare et del peys et del crin  
Que m'aourion fayt nega sans un brabe marin  
Qu'es bengut aprepaous dins sa pitchouno barquo  
Arresta les siséous de la troisiémo Parquo ;  
Tabes quand me bouldrion douna tout l'Unibérs  
Al bout de dus inquiets mettriroy pas quatre bérs ;  
Et tandis qu'à la pesco éy abut la guignasso  
Cal sabe, chér amic, se l'aouréy à la casso ;  
En galoupan pes camps al mens seréy sigur  
Que m'arribara pas un semblable malhur.  
Taléou dit, taléou fayt, et dessus mas espallos  
You meti, pla cargat, le bourréou de las callos,  
Malgre que toun fusil sio pla dur et rouillous  
Beléou fara rampli l'abressac d'aouzelous.  
Men baou, et caminan à trabets un bouscatge

Te besi un gros lebraout al jast demést l'herbatge,  
L'ajusti coumo cal et l'aourioy mitrailat,  
Més le fusil crebéc de tant qu'éro rouillat.  
Le sort encaro un cop boulgué pas à la casso  
Qu'Atropos de moun fus coupesso la filasso.  
Se l'armo en esclatant me respectéc le naz  
La poudro, per malhur, nou me l'espagnéc pas.  
Taléou le cop partit arribon dus gendarmos  
Qu'aban de m'empougna demandon le port-d'armos !  
Le port-d'armos ! n'éy pas, eh be ! trobes pas mal  
Se nous cal countro tu dressa proucs-berbal,  
Sappios dire toun noum, toun estat, ta demoro  
Si nou d'aquesto néyt coutcharas pas deforo.  
Que le diable bous crame et le qu'a fayt la le,  
Es que m'enpatcharets de prene moun plase ?  
Més Messius attendets, cal pas ana ta bite,  
On herbaliso pas sans que l'on aou merite,  
Per un machant fusil que ma desproufitat  
Me fariats un herbal sense cap de pietat ?  
Se ne n'éy pas de mouyéns per soigna ma brulluro.  
Creséts que n'aougéy may per bostro prouceduro ?  
Aco's pas de rasous, car quand t'aourio tuat,  
Encaro sur ta mort aourion herbalisat ;  
Se dises pas d'ount és, ni coussi tu t'apélos,  
Ey sigur qu'aban paou ten beyras de cruélos.  
Moun noum ! le saourets pas, moun estat n'éy pas cap,  
Et per moun lotchomen es pla fi qui le sap.  
Ah ! bos fa del testut ? més ambe la ferraillo,  
Que luis coumo un beyre à forço que travaillo,  
T'aouren léou trigoussat daban moussn l'adjouén  
Per sabe s'és d'ayciou ou s'és un Toulousén.  
Sufis qu'abioy tentat dos ou tres escapados  
Las cadenos al col me fousquébon clabados,  
Et tout encadenat piri qu'un galerièn  
Per forço me calguéc ana daban l'adjouén.

A peno sién dintrats dins le maoudit bilatge  
Que toutis à plase m'insulton al passatge ;  
Les unis se dision aqui le tapatjur !  
Les aoutres respoundion a l'ayre d'un boulor !  
L'aourion pas estacat pel col dan la cadeno  
Se meritabo pas uno tarriblo peno ;  
Sa mino troumpo pas, aco's qualque baourién  
Que ba fini sous jours al grand hôtel Mandrén. (\*)

A defaou de l'adjouén trouban moussu le mairo  
Que deja countro you brumabo de couléro,  
Aco's tu, ça me dits, qu'és aquel Toulousén  
Qu'à la danso de hiér anguéc fa tant de trén ?  
Aprend qu'on diou beni dins aqueste bilatge  
Per pla s'y coundesi noun pas per fa tapatge ;  
Et se d'un estourdit you n'abioy pas piétat  
Dins un negre catchot serios léou embarrat.  
Moussu le magistrat ! saourets que l'innoucenço  
A besoun de secours et noun pas de cleménço,  
Entendi qu'embouyets cerqua may d'un témouén  
Per sabe s'aco's you qu'éy coumençat le trén.  
Gendarmos ! anirets requeri la jouenesso,  
Amb'elo saouren léou se parlo per finesso,  
Et coumo sabén pas s'aoura tort ou rasou  
Menats-le, se bous playt, per prudénço, en prisou ;  
Tant qu'al proucés-berbal n'aougéts pas de rancuno  
Le tribunal saoura s'es ritche ou sans fourtuno.

Blassuro sur blassuro et malhur sur malhur,  
Encaro soun clabat dins un catchot escur  
Ount pas un traouc de jour paresquesso à ma bisto ;  
Oh ! que l'escuritat bous rand la prisou tristo ;  
A palpos en marchan troubabí jouts les pés  
De trosses de riplous et de boussis de boués,  
A forço de cerqua demést la riplounaillo,  
Troubébi cepandant un fagoutet de paillo

(\*) A las galéros.

Que les plours, les sanglots et le negre chagrin  
Abion fayto beni coumo de poulberin ;  
Sur aquel piétre liéyt de paillo amenudado,  
Qui sap ço qu'endurébi embiroun uno hourado,  
D'aquelis grenadiés que moussegon le cos  
Cadun fasqué soun pic, cadun tiréc soun mos,  
Et m'aourion estourrit le sang de dins las benos,  
Més le gioulié benguéc desclaba mas cadenos,  
En me disen qu'abioy meritat moun perdou  
Et que pouديو sourti libre de la prisou.

Oh ! sejour malhurous, oh ! campagno funésto,  
Coumuno ensourcelado, oh ! la tarriblo fésto,  
Se pouديو de l'infér agaffa dus flambéous,  
Aqueste endret maoudit serbirio d'escoupéous ;  
Y lançarion le foc, afin qu'à ma presenço  
Tout le pays cramesso al grat de ma bengenço,  
Car n'escantirioy pas ma rousento furou  
Que quand berioy le cél calfat pel fougayrou.

Mentourni dins Toulouso ount le repaous me crido,  
Ount jouissén en pax des plases de la bido,  
Et quand moun campagnard me rebeyra chez el  
Al founds de moun capél decendra le soulel ;  
Oui quand le firmomen bendra baysa la terro  
Alabets tournaréy galoupa la faougéro.

Quand bouldréy trepeja l'herbeto d'un pradet,  
Respira la frescuro à l'oumbro d'un bousquet,  
Nou tournaréy pas may entreprendre un bouyatge  
Per trouba de berduro et de flous et d'oumbratge ;  
Car al tour de Toulouso on trobo cado joun  
De ramelets flourits, d'oumbréto et de gazoun ;  
N'abéts pas qu'à sourti de dins bostro demoro,  
Beséts de tout coustat l'ort musquetat de Floro  
Ount l'ayrese ramplis d'un parfum aoudourous ;  
Dins la bilo on aougis de boulums d'aouzelous,  
Sio sur albres ramuts ou sur las finestretos,

Canta pes Toulouséns lour douços cansounetos ;  
Aqui, tout un cadun trobo soua passo-temps  
Car per el manquo pas de debertissomens ;  
Et quand on bey lusi las brillantos paruros  
Et roulla sul pabat tant de bélos boueturos  
Ambe de chabals fiérs ritchomen arnechats  
Guidats per de couchés noblomen coustumats ;  
Quand la néyt rancountrats de troupos de cantayres  
Que dounon de councérs à fa brounsi les ayres  
Et que per esclayratge on bey pas un calel  
Attendut que le gaz ramplaço le soulel,  
Dirion que la citat n'es pas jamay chagrino  
Et que nou counéys pas ço qu'es que la languino.

O sejour de bounhur, tranquille aoutant que bél,  
You faou le seromen de te resta fidél ;  
Plaourio de louis-d'or foro de ta pelouso  
Que per les amassa quittarioy pas Toulouso.  
Per tant qu'un campagnard jouisquo de soun sort  
Boli joui del miou tant que seréy pas mort ;  
Et se cap de chagrin qualque joun me rougagno  
Sera le soubeni de l'affrouso campagno !

FI.



Canta par Trobadores leur deus rasonaments  
 Aque, tout en cadans trobo sous passo-talaps  
 Car per et manquo pas de debertaments  
 Et quand on boy jus las brillantes perros  
 Et roulla sul papot tout de beos bouelours  
 Ambo de chahals fiérs ratchomen ornechats  
 Guidats par de couchés noblement rousamots  
 Quand la neyt rancourous de troopes de chateyres  
 Que donna de souvairs a la lreousi les ayres  
 Et que per esclayreigo on boy pas un cadel  
 Attenda que la gar ramplert le metal  
 Diron que la chat n'es pas jama chesrine  
 Et que vos conveys pas ce qu'es que la laquino  
 D'esper de bombor, tranquille soustiat que bel  
 You laorde seremen de se  
 Placide de lous d'or fous  
 Que per les anees gous  
 Per tant qu'on campagne  
 Bel joul del mior tam  
 Et se say de chesrin qu'il  
 sera le saupcal de l'effouse campagne

